



საქართველოს სსრ უმაღლესი საბჭოს უწყებები
№ 6 (461), 1979 წლის ივნისი
(დანართი)

ВЕДОМОСТИ ВЕРХОВНОГО СОВЕТА ГРУЗИНСКОЙ ССР
№ 6 (461), ИЮНЬ 1979 ГОДА
(ПРИЛОЖЕНИЕ)

კ ა ნ ო ნ ი

საქართველოს საბჭოთა სოციალისტური რესპუბლიკისა
საქართველოს სსრ სახალხო დემოკრატიული
საბჭოების არჩევნების შესახებ

З А К О Н

ГРУЗИНСКОЙ СОВЕТСКОЙ СОЦИАЛИСТИЧЕСКОЙ
РЕСПУБЛИКИ
О ВЫБОРАХ В МЕСТНЫЕ СОВЕТЫ НАРОДНЫХ
ДЕПУТАТОВ ГРУЗИНСКОЙ ССР

თბილისი
Тбилиси
1979 წ.

კ ა ნ ო ნ ი

საქართველოს საგარეო სოციალისტური რესპუბლიკის

საქართველოს სსრ სახალხო დემუტატთა ადგილობრივი საბჭოების არჩევნების შესახებ

კ ა რ ი I

ზოგადი დებულებანი

მუხლი 1. საარჩევნო სისტემის საფუძვლები.

საქართველოს სსრ კონსტიტუციის შესაბამისად საქართველოს სსრ სახალხო დემუტატთა ყველა ადგილობრივი საბჭოს: სამხრეთ ოსეთის სახალხო დემუტატთა ავტონომიური ოლქის, რაიონული, საქალაქო, ქალაქის რაიონული, სადაბო და სასოფლო საბჭოების დემუტატთა არჩევნები ტარდება საყოველთაო თანასწორი და პირდაპირი საარჩევნო უფლების საფუძველზე ფარული კენჭისყრით.

მუხლი 2. საყოველთაო საარჩევნო უფლება.

საქართველოს სსრ სახალხო დემუტატთა ადგილობრივი საბჭოების დემუტატთა არჩევნები საყოველთაოა: საქართველოს სსრ ყველა მოქალაქეს, რომელსაც 18 წელი შეუსრულდა, უფლება აქვს აირჩიოს და იყოს არჩეული, გარდა იმ პირებისა, რომლებიც კანონით დადგენილი წესით ცნობილი არიან შემლილებად.

აკრძალულია საქართველოს სსრ მოქალაქეთა საარჩევნო უფლებების რაიმე პირდაპირი თუ არაპირდაპირი შეზღუდვა წარმოშობის, სოციალური და ქონებრივი მდგომარეობის, რასობრივი და ეროვნული კუთვნილების, სქესის, განათლების, ენის, რელიგიისადმი დამოკიდებულების, მოცემულ ადგილზე ცხოვრების დროის, საქმიანობის სახეობისა თუ ხასიათის გამო.

სხვა მოკავშირე რესპუბლიკების მოქალაქენი საქართველოს სსრ ტერიტორიაზე სარგებლობენ საქართველოს სსრ მოქალაქეთა თანასწორი საარჩევნო უფლებებით.

მუხლი 3. თანასწორი საარჩევნო უფლება.

საქართველოს სსრ სახალხო დემუტატთა ადგილობრივი საბჭოების დემუტატთა არჩევნები თანასწორია: ყოველ ამომრჩეველს ერთი ხმა აქვს; ყველა ამომრჩეველი თანასწორ საფუძველზე მონაწილეობს არჩევნებში.

ქალებსა და მამაკაცებს თანასწორი საარჩევნო უფლებები აქვთ.

სამხედრო მოსამსახურეები ყველა მოქალაქის თანასწორად სარგებლობენ საარჩევნო უფლებებით.

მუხლი 4. პირდაპირი საარჩევნო უფლება.

საქართველოს სსრ სახალხო დეპუტატთა ადგილობრივი საბჭოების დეპუტატთა არჩევნები პირდაპირია: სახალხო დეპუტატთა ადგილობრივი საბჭოების დეპუტატებს მოქალაქეები უშუალოდ ირჩევენ.

მუხლი 5. ფარული კენჭისყრა.

საქართველოს სსრ სახალხო დეპუტატთა ადგილობრივი საბჭოების დეპუტატთა არჩევნების დროს კენჭისყრა-ფარულია: ამომრჩეველთა ნება-სურვილის გამოვლინებისადმი კონტროლი არ დაიშვება.

მუხლი 6. არჩევნების ჩატარება საარჩევნო ოლქებში.

საქართველოს სსრ სახალხო დეპუტატთა ადგილობრივი საბჭოების დეპუტატებს საარჩევნო ოლქების მიხედვით ირჩევენ. თითოეული საარჩევნო ოლქისაგან ირჩევენ ერთ დეპუტატს.

საქართველოს სსრ მოქალაქე, როგორც წესი, არ შეიძლება არჩეულ იქნეს სახალხო დეპუტატთა ორზე მეტ საბჭოში.

მუხლი 7. არჩევნების ჩატარება საარჩევნო კომისიათა მიერ.

საქართველოს სსრ სახალხო დეპუტატთა ადგილობრივი საბჭოების არჩევნების ჩატარებას უზრუნველყოფენ საარჩევნო კომისიები, რომლებიც საზოგადოებრივი ორგანიზაციების, შრომითი კოლექტივებისა და ჯარის ნაწილებში სამხედრო მოსამსახურეთა კრებების მიერ წარგზავნილი წარმომადგენლებისაგან იქმნება.

მუხლი 8. საზოგადოებრივი ორგანიზაციების, შრომითი კოლექტივებისა და მოქალაქეების მონაწილეობა არჩევნების მომზადებასა და ჩატარებაში.

საბჭოთა კავშირის კომუნისტური პარტიის, პროფესიული კავშირების, სრულიად საკავშირო ახალგაზრდათა ლენინური კომუნისტური კავშირის ორგანიზაციები, კოოპერაციული და სხვა საზოგადოებრივი ორგანიზაციები, შრომითი კოლექტივები საქართველოს სსრ სახალხო დეპუტატთა ადგილობრივი საბჭოების არჩევნების მომზადებასა და ჩატარებაში მონაწილეობენ როგორც საარჩევნო კომისიებში თავიანთი წარმომადგენლების მეშვეობით, ისე უშუალოდაც.

საქართველოს სსრ მოქალაქეები არჩევნების მომზადებასა და ჩატარებაში მონაწილეობენ საზოგადოებრივი ორგანიზაციების, შრომითი კოლექტივების, ჯარის ნაწილებში სამხედრო მოსამსახურეთა კრებების, ამომრჩეველთა წინასწარჩევნო კრებების მეშვეობით.

მუხლი 9. საქართველოს სსრ სახალხო დეპუტატთა ადგილობრივი საბჭოებში დეპუტატობის კანდიდატთა დასახელების უფლება.

საქართველოს სსრ სახალხო დეპუტატთა ადგილობრივი საბჭოების დეპუტატობის კანდიდატთა დასახელების უფლება აქვთ საბჭოთა კავშირის კომუნისტური პარტიის, პროფესიული კავშირების, სრულიად საკავშირო ახალგაზრდათა ლენინური კომუნისტური კავშირის ორგანიზაციებს, კოოპერაციულ და სხვა სა-

ზოგადობრივ ორგანიზაციებს, შრომით კოლექტივებს, აგრეთვე ჯარის ნაწილებში სამხედრო მოსამსახურეთა კრებებს.

საქართველოს სსრ მოქალაქეებისა და საზოგადოებრივი ორგანიზაციებისათვის გარანტირებულია დეპუტატობის კანდიდატთა პოლიტიკური, საქმიანი და პირადი თვისებების თავისუფალი და ყოველმხრივი განხილვა, აგრეთვე კრებებზე, პრესაში, ტელევიზიითა და რადიოთი აგიტაციის უფლება.

ამომრჩევლები განაწესებს აძლევენ თავიანთ დეპუტატებს. განაწესებენ ი შეაქვთ ამომრჩეველთა წინასაარჩევნო კრებებზე. განაწესების შეტანის, განხილვის, აღრიცხვისა და შესრულების წესს კანონი ადგენს.

მუხლი 10. საქართველოს სსრ სახალხო დეპუტატთა ადგილობრივი საბჭოების არჩევნების ჩატარებასთან დაკავშირებული ხარჯები.

საქართველოს სსრ სახალხო დეპუტატთა ადგილობრივი საბჭოების არჩევნების ჩატარებასთან დაკავშირებულ ხარჯებს სახელმწიფო გაიღებს.

საქართველოს სსრ სახალხო დეპუტატთა ადგილობრივი საბჭოების დეპუტატობის კანდიდატები და ამომრჩევლები არ გაიღებენ არჩევნების ჩატარებასთან დაკავშირებულ ხარჯებს.

მუხლი 11. პასუხისმგებლობა არჩევნების კანონმდებლობის დარღვევისათვის.

საარჩევნო კომისიათა წევრებს, სახელმწიფო და საზოგადოებრივი ორგანოების თანამდებობის პირებს, რომლებმაც გააყალბეს საარჩევნო დოკუმენტები, განზრახ არასწორად დათვალეს ხმები, დაარღვიეს კენჭისყრის საიდუმლოება ან დაუშვეს ამ კანონის სხვა დარღვევები, აგრეთვე პირებს, რომლებიც ხელს შეუშლიან საქართველოს სსრ მოქალაქეს თავისუფლად განახორციელოს თავისი უფლება — აირჩიოს და იყოს არჩეული საქართველოს სსრ სახალხო დეპუტატთა ადგილობრივ საბჭოებში, — ეკისრებათ კანონით დადგენილი პასუხისმგებლობა.

პ ა რ ი II

სარჩევნების დანიშვნისა და საარჩევნო ოლქების შექმნის წესი

მუხლი 12 საქართველოს სსრ სახალხო დეპუტატთა ადგილობრივი საბჭოების არჩევნების დანიშვნა.

საქართველოს სსრ სახალხო დეპუტატთა ყველა ადგილობრივი საბჭოს არჩევნები ერთდროულად ტარდება და მათ ნიშნავს საქართველოს სსრ უმაღლესი საბჭოს პრეზიდიუმი.

საქართველოს სსრ უმაღლესი საბჭოს პრეზიდიუმის ბრძანებულება არჩევნების დანიშვნის შესახებ პრესაში ქვეყნდება არა უგვიანეს ორი თვისა საქართველოს სსრ სახალხო დეპუტატთა ადგილობრივი საბჭოების უფლებამოსილების ვადის გასვლამდე.

მუხლი 13. საარჩევნო ოლქების შექმნა.

საქართველოს სსრ სახალხო დეპუტატთა ადგილობრივი საბჭოების დეპუტატთა არჩევნებისათვის იქმნება საარჩევნო ოლქები:

სამხრეთ ოსეთის ავტონომიური ოლქის სახალხო დეპუტატთა საბჭოში 140
საარჩევნო ოლქი;

სახალხო დეპუტატთა რაიონულ საბჭოში — 75-დან 150-მდე საარჩევნო
ოლქი;

სახალხო დეპუტატთა საქალაქო (რესპუბლიკური, საოლქო დაქვემდებარე-
ბის ქალაქების) საბჭოში — 50-დან 500-მდე საარჩევნო ოლქი;

სახალხო დეპუტატთა საქალაქო, რაიონული დაქვემდებარების ქალაქების
საბჭოში — 25-დან 100-მდე საარჩევნო ოლქი;

სახალხო დეპუტატთა ქალაქის რაიონულ საბჭოში — 100-დან 250-მდე სა-
არჩევნო ოლქი;

სახალხო დეპუტატთა სადაბო, სასოფლო საბჭოში — 25-დან 75-მდე საარ-
ჩევნო ოლქი.

ამ კანონით დადგენილი ნორმების ფარგლებში საარჩევნო ოლქების რიცხვს
სამხრეთ ოსეთის ავტონომიური ოლქის სახალხო დეპუტატთა საბჭოს, სახალხო
დეპუტატთა ყოველი რაიონული, საქალაქო (რესპუბლიკური დაქვემდებარების
ქალაქის) საბჭოს არჩევნებისათვის განსაზღვრავს საქართველოს სსრ უმაღლესი
საბჭოს პრეზიდიუმი, ხოლო სახალხო დეპუტატთა ყოველი საქალაქო (რაიონუ-
ლი დაქვემდებარების ქალაქის), ქალაქის რაიონული, სადაბო, სასოფლო საბჭოს
არჩევნებისათვის — სახალხო დეპუტატთა ზემდგომი საბჭოს აღმასრულებელი
კომიტეტი, ამასთან მხედველობაში მიიღება მოსახლეობის რაოდენობა, ტერი-
ტორია და სხვა ადგილობრივი პირობები.

საარჩევნო ოლქებს ქმნის სახალხო დეპუტატთა შესაბამისი საბჭოს აღმას-
რულებელი კომიტეტი მოსახლეობის თანაბარი რაოდენობით მთელ ტერიტო-
რიაზე, რომელსაც აერთიანებს სახალხო დეპუტატთა ეს საბჭო.

საარჩევნო ოლქების საზღვრების დადგენისას მხედველობაში მიიღება აფ-
მინისტრაციულ-ტერიტორიული დაყოფა და სხვა თავისებურებანი.

ცალკეულ შემთხვევებში სახალხო დეპუტატთა ადგილობრივი საბჭოების
არჩევნებისათვის, საქართველოს სსრ უმაღლესი საბჭოს პრეზიდიუმის ნებართ-
ვით, გამონაკლისის სახით, შეიძლება შეიქმნას საარჩევნო ოლქების მეტი ან
ნაკლები რაოდენობა, ვიდრე ეს გათვალისწინებულია ამ მუხლით.

საქართველოს სსრ სახალხო დეპუტატთა ადგილობრივი საბჭოების არჩე-
ვნების საარჩევნო ოლქების სიებს აქვეყნებენ სახალხო დეპუტატთა შესაბამისი
საბჭოების აღმასრულებელი კომიტეტები არა უგვიანეს მეხუთე დღისა არჩე-
ვნების დანიშვნის შემდეგ.

კ ა რ ი III

საარჩევნო უზენაი

მუხლი 14. საარჩევნო უბნების შექმნა.

კენჭისყრის ჩასატარებლად და ხმების დასათვლელად რაიონების, ქალაქე-
ბის, ქალაქის რაიონების, დაბებისა და სასოფლო საბჭოების ტერიტორია იყოფა
საარჩევნო უბნებად. საარჩევნო უბნები იქმნება აგრეთვე ჯარის ნაწილებში.

საარჩევნო უბნები შეიძლება შეიქმნას სანატორიუმებსა და დასასვენებელ სახლებში, საავადმყოფოებსა და სხვა სტაციონარულ სამკურნალო დაწესებულებებში, დიდ რკინიგზის სადგურებში, აეროპორტებში, საზღვაო ნავსადგურებში, აგრეთვე არჩევნების დღეს ნაოსნობაში მყოფ გემებზე.

არჩევნების დღეს ნაოსნობაში მყოფ გემებზე შექმნილი საარჩევნო უბნების სახალხო დეპუტატთა ადგილობრივი საბჭოების საარჩევნო ოლქებისათვის მიკუთვნების საკითხს წყვეტს სახალხო დეპუტატთა საქალაქო საბჭოს აღმასრულებელი კომიტეტი, რომლის ტერიტორიაზეა გემის მიწერის ნავსადგური.

მუხლი 15 საარჩევნო უბნების შექმნის წესი.

საარჩევნო უბნებს ქმნიან სახალხო დეპუტატთა რაიონული, საქალაქო (კარდა რაიონული დაქვემდებარების ქალაქებისა), ქალაქის რაიონული საბჭოების აღმასრულებელი კომიტეტები. არჩევნების დღეს ნაოსნობაში მყოფ გემებზე საარჩევნო უბნებს ქმნიან სახალხო დეპუტატთა საბჭოების აღმასრულებელი კომიტეტები გემის მიწერის ნავსადგურის ადგილის მიხედვით.

ჯარის ნაწილებში საარჩევნო უბნებს ქმნიან ნაწილების ან ჯარის შენაერთების მეთაურები სახალხო დეპუტატთა შესაბამისი საბჭოების აღმასრულებელ კომიტეტებთან შეთანხმებით.

საარჩევნო უბნები იქმნება არა უგვიანეს მეთხუთმეტე დღისა არჩევნების დანიშვნის შემდეგ. ჯარის ნაწილებში, აგრეთვე დიდ რკინიგზის სადგურებში, აეროპორტებში, საზღვაო ნავსადგურებში, არჩევნების დღეს ნაოსნობაში მყოფ გემებზე საარჩევნო უბნები იქმნება ამავე ვადაში, გამონაკლის შემთხვევებში კი — არჩევნებამდე არა უგვიანეს ხუთი დღისა.

სახალხო დეპუტატთა შესაბამისი საბჭოს აღმასრულებელი კომიტეტი რაიონის, ქალაქის ფარგლებში ადგენს საარჩევნო ოლქების ერთიან ნუმერაციას, მოსახლეობას აცნობებს თითოეული საარჩევნო უბნის საზღვრებს და მიუთითებს საუბნო საარჩევნო კომისიისა და ხმის მიცემის შენობის ადგილსამყოფელს.

მუხლი 16. საარჩევნო უბნების შექმნის ნორმები.

დასახლებულ პუნქტში ან დასახლებული პუნქტების ჯგუფში საარჩევნო უბნები იქმნება არა ნაკლებ 100 და არა უმეტეს 3000 ამომრჩევლისათვის.

რაიონებში, სადაც პატარა დასახლებული პუნქტები ჭარბობს, აგრეთვე მთის რაიონებში, არჩევნების დღეს ნაოსნობაში მყოფ გემებზე საარჩევნო უბნები შეიძლება შეიქმნას, თუ არის სულ ცოტა 20 ამომრჩეველი.

ჯარის ნაწილებში საარჩევნო უბნები იქმნება არა ნაკლებ 20 და არა უმეტეს 3000 ამომრჩევლისათვის.

სანატორიუმებში, დასასვენებელ სახლებში, აგრეთვე საავადმყოფოებსა და სხვა სტაციონარულ სამკურნალო დაწესებულებებში საარჩევნო უბნები შეიძლება შეიქმნას, თუ არის სულ ცოტა 50 ამომრჩეველი.

კ ა რ ი IV ამომრჩეველთა სიები

მუხლი 17. ამომრჩეველთა სიებში მოქალაქეთა შეტანის წესი.

ამომრჩეველთა სიებში შეაქვთ ყველა მოქალაქე, რომლებსაც არჩევნების დღისათვის ან არჩევნების დღეს 18 წელი შეუსრულდათ და სიების შედგენის მომენტისათვის ცხოვრობენ (მუდმივად ან დროებით) სახალხო დეპუტატთა მოცემული საბჭოს ტერიტორიაზე. თუ არ არსებობს მოქალაქის დაბადების დღისა და თვის ზუსტი მონაცემები, იგი ითვლება შესაბამისი წლის პირველ იანვარს დაბადებულად. არ შეიძლება ამომრჩევლის შეტანა ამომრჩეველთა ერთზე მეტ სიაში.

სახალხო დეპუტატთა საქალაქო, ქალაქის რაიონული, სადაბო და სასოფლო საბჭოების აღმასრულებელი კომიტეტები უზრუნველყოფენ ამომრჩეველთა აღრიცხვას, რაც საჭიროა ამომრჩეველთა სიების შესადგენად.

ამომრჩეველთა სიებში არ შეაქვთ მოქალაქენი, რომლებიც შეშლილებად არიან ცნობილი მხოლოდ და მხოლოდ სასამართლოს გადაწყვეტილებით ან ჯანმრთელობის დაცვის რესპუბლიკური, საოლქო ორგანოს მიერ შექმნილი საექიმო კომისიის დასკვნით. აღნიშნული დასკვნა შეიძლება გასაჩივრდეს რაიონულ (საქალაქო) სახალხო სასამართლოში.

საქართველოს სსრ ტერიტორიაზე მცხოვრები უცხოელი მოქალაქენი და მოქალაქეობის არმქონე პირნი ამომრჩეველთა სიებში არ შეაქვთ.

მუხლი 18. ამომრჩეველთა სიების შედგენა.

ამომრჩეველთა სიებს თითოეული საარჩევნო უბნის მიხედვით ადგენენ სახალხო დეპუტატთა საქალაქო, ქალაქის რაიონული, სადაბო და სასოფლო საბჭოების აღმასრულებელი კომიტეტები და ხელს აწერენ შესაბამისი საბჭოს აღმასრულებელი კომიტეტის თავმჯდომარე და მდივანი.

ჯარის ნაწილებში მყოფ ამომრჩეველ სამხედრო მოსამსახურეთა სიებს ადგენენ და ხელს აწერენ ჯარის ნაწილების მეთაურები. სახალხო დეპუტატთა საბჭოების აღმასრულებელ კომიტეტებთან შეთანხმებით ამ სიებში შეიძლება შეიტანონ სამხედრო მოსამსახურეთა ოჯახების წევრები და სხვა ამომრჩეველები, თუ ისინი ჯარის ნაწილების განლაგების რაიონებში ცხოვრობენ. ჯარის ნაწილების გარეთ მცხოვრები სამხედრო მოსამსახურენი ამომრჩეველთა სიებში შეაქვთ მათი საცხოვრებელი ადგილის მიხედვით საერთო საფუძველზე.

არჩევნების დღეს ნაოსნობაში მყოფ გემებზე ამომრჩეველთა სიებს ადგენენ და ხელს აწერენ გემების კაპიტნები.

ამომრჩეველთა სიებს, რომლებიც დასასვენებლად ან სამკურნალოდ არიან სანატორიუმებში, დასასვენებელ სახლებში, აგრეთვე სავადმყოფოებსა და სხვა სტაციონარულ სამკურნალო დაწესებულებებში, ადგენენ სახალხო დეპუტატთა იმ საბჭოების აღმასრულებელ კომიტეტები, რომელთა ტერიტორიაზე განლაგებულია ეს დაწესებულებები.

ამომრჩეველთა გვარები ამომრჩეველთა სიებში შეაქვთ ანბანის მიხედვით.

მუხლი 19. მოქალაქეებისათვის ამომრჩეველთა სიების გაცნობა.

ამომრჩეველთა სიებს საყოველთაო გაცნობისათვის წარმოადგენენ არჩევნებადღე 20 დღით ადრე.

სახალხო დემუტატთა საბჭოს აღმასრულებელი კომიტეტი, რომელმაც ამომრჩეველთა სიები შეადგინა, უშუალოდ ან საუბნო საარჩევნო კომისიების მეშვეობით აუწყებს ამომრჩეველებს სიების გაცნობის ადგილს და დროს.

მოქალაქეებს შესაძლებლობა ეძლევათ გაეცნონ ამომრჩეველთა სიებს და შეამოწმონ მათი შედგენის სისწორე შესაბამისი საბჭოს აღმასრულებელი კომიტეტის ან საუბნო საარჩევნო კომისიის შენობაში.

მუხლი 20. მოქალაქეთა უფლება გაასაჩივრონ უსწორობანი ამომრჩეველთა სიაში.

ყოველ მოქალაქეს უფლება ეძლევა გაასაჩივროს ამომრჩეველთა სიაში შეუტანლობა, უსწორო შეტანა ან სიიდან ამოღება, აგრეთვე სიაში ჩაწერილი გვარის, სახელის, მამის სახელისა და ამომრჩეველის შესახებ სხვა მონაცემების უზუსტობანი.

ამომრჩეველთა სიაში უსწორობის შესახებ განცხადება წარედგინება სიის შემდგენელ სახალხო დემუტატთა საბჭოს აღმასრულებელ კომიტეტს, ჯარის ნაწილის მეთაურს, გემის კაპიტანს, რომლებიც მოვალენი არიან არა უგვიანეს ორი დღისა განიხილონ ასეთი განცხადება და შეიტანონ საჭირო შესწორებანი ამომრჩეველთა სიაში ან მისცენ განმცხადებელს მისი განცხადების უარყოფის შესახებ დასაბუთებული გადაწყვეტილების პირი.

სახალხო დემუტატთა საბჭოს აღმასრულებელი კომიტეტის გადაწყვეტილება შეიძლება გასაჩივრდეს რაიონულ (საქალაქო) სახალხო სასამართლოში, რომელიც მოვალეა განიხილოს საჩივარი სამი დღის ვადაში, რაიონული (საქალაქო) სახალხო სასამართლოს გადაწყვეტილება საბოლოოა. სასამართლოს გადაწყვეტილების შესაბამისად ამომრჩეველთა სიაში შესწორება დაუყოვნებლივ შეაქვს სახალხო დემუტატთა საბჭოს აღმასრულებელ კომიტეტს.

მუხლი 21. ხმის მიცემის უფლების მოწმობა.

თუ ამომრჩეველმა შეიცვალა ადგილსამყოფელი საყოველთაო გაცნობისათვის ამომრჩეველთა სიების წარმოდგენისა და არჩევნების დღეს შორის პერიოდში, საუბნო საარჩევნო კომისია მისი თხოვნით აძლევს ხმის მიცემის უფლების მოწმობას. მოწმობა გაიცემა ამომრჩეველთა სიის საფუძველზე, რომელშიც შეაქვთ შესაბამისი აღნიშვნა.

ხმის მიცემის უფლების მოწმობის საფუძველზე ამომრჩეველი შეაქვთ ამომრჩეველთა დამატებითს სიაში ნებისმიერ საარჩევნო უბანში არჩევნების დღეს მისი ადგილსამყოფელის მიხედვით. ამომრჩეველთა დამატებითს სიას ადგენს საუბნო საარჩევნო კომისია და ხელს აწერენ მისი თავმჯდომარე და მდივანი.

კ ა რ ი ვ

საარჩევნო კომისიათა შექმნა

მუხლი 22. საქართველოს სსრ სახალხო დემუტატთა ადგილობრივი საბჭოების არჩევნების საარჩევნო კომისიები.

სამხრეთ ოსეთის ავტონომიური ოლქის სახალხო დემუტატთა საბჭოს, საქართველოს სსრ სახალხო დემუტატთა რაიონული, საქალაქო, ქალაქის რაი-

ონული, სადაბო და სასოფლო საბჭოების არჩევნების ჩასატარებლად იქმნება საარჩევნო კომისიები:

სამხრეთ ოსეთის ავტონომიური ოლქის სახალხო დეპუტატთა საბჭოს არჩევნების საოლქო საარჩევნო კომისია;

სახალხო დეპუტატთა რაიონული საბჭოების არჩევნების რაიონული საარჩევნო კომისიები;

სახალხო დეპუტატთა საქალაქო საბჭოების არჩევნების საქალაქო საარჩევნო კომისიები;

სახალხო დეპუტატთა ქალაქის რაიონული საბჭოების არჩევნების ქალაქის რაიონული საარჩევნო კომისიები;

სახალხო დეპუტატთა სადაბო საბჭოების არჩევნების სადაბო საარჩევნო კომისიები;

სახალხო დეპუტატთა სასოფლო საბჭოების არჩევნების სასოფლო საარჩევნო კომისიები;

სახალხო დეპუტატთა საოლქო, რაიონული, საქალაქო, ქალაქის რაიონული საბჭოების არჩევნების საოლქო საარჩევნო კომისიები;

საუბნო საარჩევნო კომისიები.

სახალხო დეპუტატთა სადაბო და სასოფლო საბჭოების არჩევნების საარჩევნო ოლქებში საოლქო საარჩევნო კომისიები არ იქმნება. ასეო შემთხვევებში საოლქო საარჩევნო კომისიების ფუნქციებს ასრულებენ იმ საარჩევნო უბნების საუბნო საარჩევნო კომისიები, რომელთა შემადგენლობაში შედის მოცემული საარჩევნო ოლქების ტერიტორია.

წესი 23. წარმომადგენელთა დასახელება საარჩევნო კომისიათა შემადგენლობაში

საქართველოს სსრ სახალხო დეპუტატთა ადგილობრივი საბჭოების არჩევნების საარჩევნო კომისიები იქმნება საბჭოთა კავშირის კომუნისტური პარტიის, პროფესიული კავშირების, სრულიად საკავშირო ახალგაზრდათა ლენინური კომუნისტური კავშირის ორგანიზაციების, კოოპერაციული და სხვა საზოგადოებრივი ორგანიზაციების, შრომითი კოლექტივებისა და ჯარის ნაწილებში სამხედრო მოსამსახურეთა კრებების წარმომადგენლებისაგან.

წარმომადგენლებს საოლქო, რაიონული, საქალაქო, ქალაქის რაიონული, სადაბო, სასოფლო საარჩევნო კომისიების შემადგენლობაში და წარმომადგენლებს საოლქო და საუბნო საარჩევნო კომისიების შემადგენლობაში ასახელებენ საოლქო, რაიონული, საქალაქო, ქალაქის რაიონული საზოგადოებრივი ორგანიზაციების ორგანოები, მათი პირველადი ორგანიზაციები, აგრეთვე შრომითი კოლექტივები და ჯარის ნაწილებში სამხედრო მოსამსახურეთა კრებები.

საარჩევნო კომისიების შემადგენლობა ქვეყნდება საყოველთაო გაცნობისათვის.

მუხლი 24. საოლქო, რაიონული, საქალაქო, ქალაქების რაიონული, სადაბო და სასოფლო საარჩევნო კომისიების შექმნა.

სამხრეთ ოსეთის ავტონომიური ოლქის სახალხო დეპუტატთა საბჭოს არჩევ-

ნების საარჩევნო კომისია იქმნება თავმჯდომარის, თავმჯდომარის მოადგილის, მდივნის და 12 წევრის შემადგენლობით.

რაიონული, საქალაქო, ქალაქის რაიონული საარჩევნო კომისია იქმნება თავმჯდომარის, თავმჯდომარის მოადგილის, მდივნის და 8-10 წევრის შემადგენლობით.

სადაბო, სასოფლო საარჩევნო კომისია იქმნება თავმჯდომარის, თავმჯდომარის მოადგილის, მდივნის და 4-8 წევრის შემადგენლობით.

საარჩევნო კომისიების შემადგენლობას ამტკიცებს სახალხო დეპუტატთა შესაბამისი საბჭოს აღმასრულებელი კომიტეტი არა უგვიანეს მეშვიდე დღისა არჩევნების დაწინაურების შემდეგ.

მუხლი 25. საოლქო საარჩევნო კომისიების შექმნა.

საოლქო საარჩევნო კომისია იქმნება სამხრეთ ოსეთის ავტონომიური ოლქის სახალხო დეპუტატთა საბჭოს, სახალხო დეპუტატთა რაიონული, საქალაქო, ქალაქის რაიონული საბჭოს არჩევნების ყოველ საარჩევნო ოლქში თავმჯდომარის, თავმჯდომარის მოადგილის, მდივნისა და 4-8 წევრისაგან, კომისიის შემადგენლობას ამტკიცებს სახალხო დეპუტატთა შესაბამისი საბჭოს აღმასრულებელი კომიტეტი არა უგვიანეს მეთხუთმეტე დღისა არჩევნების დაწინაურების შემდეგ.

მუხლი 26. საუბნო საარჩევნო კომისიების შექმნა.

საუბნო საარჩევნო კომისია იქმნება კომისიის თავმჯდომარის, თავმჯდომარის მოადგილის, მდივნის, 4-16 წევრის შემადგენლობით, იმ საარჩევნო უბნებში კი, სადაც 100-ზე ნაკლები ამომრჩეველია, — თავმჯდომარის, მდივნის, 1-3 წევრის შემადგენლობით. კომისიის შემადგენლობას ამტკიცებს შესაბამისად სახალხო დეპუტატთა რაიონული, საქალაქო (გარდა რაიონული დაქვემდებარების ქალაქებისა), ქალაქის რაიონული საბჭოს აღმასრულებელი კომიტეტი არა უგვიანეს ოცდამეათე დღისა არჩევნების დაწინაურების შემდეგ.

საჭიროების შემთხვევაში სახალხო დეპუტატთა საბჭოების აღმასრულებელ კომიტეტებს შეუძლიათ გაზარდონ დიდ რკინიგზის სადგურებში, აეროპორტებში, საზღვაო ნავსადგურებში, არჩევნების დღეს ნაოსნობაში მყოფ გემებზე შექმნილი საარჩევნო უბნების საუბნო საარჩევნო კომისიათა რიცხობრივი შემადგენლობა, აგრეთვე მაშინ, როცა უბნის ტერიტორიაზე არის პატარა დასახლებული პუნქტები, გეოლოგიური პარტიები, სამეცნიერო ექსპედიციები.

საუბნო საარჩევნო კომისიის თავმჯდომარე ან თავმჯდომარის მოადგილე, ან მდივანი არჩევნების მომზადებისა და ჩატარების პერიოდში თავისუფლდებიან საწარმოო ან სამსახურებრივი მოვალეობის შესრულებისაგან 30 კალენდარული დღით და უნარჩუნდებთ საშუალო ხელფასი მუდმივ სამუშაო ადგილზე.

მუხლი 27. საარჩევნო კომისიათა შემადგენლობაში ცვლილებათა შეტანის წესი.

საარჩევნო კომისიის თავმჯდომარე, თავმჯდომარის მოადგილე, მდივანი ან წევრი კომისიაში თავიანთი მოვალეობისაგან შეიძლება გაათავისუფლოს მისი შემადგენლობის დამამტკიცებელმა ორგანომ პირადი განცხადების ან დამსახვლებელი საზოგადოებრივი ორგანიზაციის, შრომითი კოლექტივის, ჯარის ნაწილის სამხედრო მოსამსახურეთა კრების წარდგინების საფუძველზე.

საარჩევნო კომისიაში ახალი წარმომადგენლის დასახელება და კომისიის შემადგენლობაში მისი დამტკიცება ხდება ამ კანონით დადგენილი წესით.

კ ა რ ი VI

საარჩევნო კომისიების უფლებამოსილება და მუშაობის წესი

მუხლი 28. საოლქო, რაიონული, საქალაქო, ქალაქების რაიონული, სადაბო და სასოფლო საარჩევნო კომისიების უფლებამოსილება.

ავტონომიური ოლქის სახალხო დეპუტატთა საბჭოს, სახალხო დეპუტატთა რაიონული, საქალაქო, ქალაქის რაიონული, სადაბო და სასოფლო საბჭოს არჩევნების საოლქო, რაიონული, საქალაქო, ქალაქის რაიონული, სადაბო, სასოფლო საარჩევნო კომისია:

ა) სახალხო დეპუტატთა შესაბამისი საბჭოს არჩევნების მომზადებისა და ჩატარების მიმდინარეობის დროს ახორციელებს კონტროლს ავტონომიური ოლქის, რაიონის, ქალაქის, ქალაქის რაიონული, დაბის და სოფლსაბჭოს ტერიტორიაზე ამ კანონის განხორციელებისადმი;

ბ) წარმართავს სახალხო დეპუტატთა შესაბამისი საბჭოს არჩევნების საოლქო საარჩევნო კომისიებისა და საუბნო საარჩევნო კომისიების საქმიანობას;

გ) ისმენს სახალხო დეპუტატთა შესაბამისი საბჭოს არჩევნების საოლქო საარჩევნო კომისიების, საუბნო საარჩევნო კომისიების, ადგილობრივი სახელმწიფო და საზოგადოებრივი ორგანოების ინფორმაციას არჩევნების მომზადებასა და ჩატარებასთან დაკავშირებულ საკითხებზე;

დ) კონტროლს უწევს საარჩევნო კომისიების შენობებით, ტრანსპორტით, კავშირგაბმულობით უზრუნველყოფას და განიხილავს არჩევნების მატერიალურ-ტექნიკური უზრუნველყოფის სხვა საკითხებს;

ე) უზრუნველყოფს საქართველოს სსრ უმაღლესი საბჭოს პრეზიდიუმის მიერ დადგენილი ფორმის მიხედვით სახალხო დეპუტატთა შესაბამისი საბჭოს არჩევნებისათვის საარჩევნო ბიულეტენების მომზადებას;

ვ) განიხილავს სახალხო დეპუტატთა შესაბამისი საბჭოს არჩევნების საოლქო საარჩევნო კომისიების და საუბნო საარჩევნო კომისიების არასწორ მოქმედებასთან დაკავშირებულ განცხადებებსა და საჩივრებს და გამოაქვს მათ გამო საბოლოო გადაწყვეტილებები;

ზ) აჯამებს სახალხო დეპუტატთა შესაბამისი ადგილობრივი საბჭოს არჩევნების შედეგებს;

თ) რეგისტრაციაში ატარებს სახალხო დეპუტატთა შესაბამისი საბჭოში აჩივრულ დეპუტატებს;

ი) სახალხო დეპუტატთა შესაბამისი საბჭოს სამანდატო კომისიას გადასცემს თითოეულ საარჩევნო ოლქში დეპუტატთა უფლებამოსილების შემოწმებისათვის საჭირო დოკუმენტაციას;

კ) განხორციელებს სხვა უფლებამოსილებას ამ კანონის შესაბამისად.

მუხლი 29. საოლქო საარჩევნო კომისიის უფლებამოსილება.

საოლქო საარჩევნო კომისია თავისი საარჩევნო ოლქის ტერიტორიაზე;

- ა) კონტროლს უწევს ამ კანონის შესრულებას;
- ბ) რეგისტრაციაში ატარებს დასახელებულ დეპუტატობის კანდიდატებს;
- გ) ამტკიცებს მოცემული საარჩევნო ოლქის საარჩევნო ბიულეტენის ტექსტს, საუბნო საარჩევნო კომისიებს ამარაგებს საარჩევნო ბიულეტენებით;
- დ) თვალყურს ადევნებს ამომრჩეველთა სიების შედგენას და საყოველთაო გაცნობისათვის წარდგენას;
- ე) იხილავს განცხადებებსა და საჩივრებს საუბნო საარჩევნო კომისიების არასწორი მოქმედების გამო;
- ვ) ადგენს არჩევნების შედეგებს საარჩევნო ოლქის მიხედვით;
- ზ) ახორციელებს სხვა უფლებამოსილებას ამ კანონის შესაბამისად.

მუხლი 30. საუბნო საარჩევნო კომისიის უფლებამოსილება.

საუბნო საარჩევნო კომისია:

- ა) აცნობს ამომრჩეველებს ამომრჩეველთა სიას, იღებს განცხადებებს ამომრჩეველთა სიაში უსწორობის შესახებ და ისინი შეაქვს სიის შემდგენელი სახალხო დეპუტატთა საბჭოს შესაბამისი აღმასრულებელი კომიტეტის, ჯარის ნაწილის მეთაურის, გემის კაპიტნის განსახილველად;
- ბ) ამომრჩეველთა სიის საფუძველზე ამომრჩეველებს აძლევს ხმის მიცემის უფლების მოწმობას ამ კანონის 21-ე მუხლით გათვალისწინებულ შემთხვევებში;
- გ) ადგენს ამომრჩეველთა დამატებით სიას იმ პირებისათვის, რომლებიც საარჩევნო უბანში ხმის მიცემის უფლების მოწმობით მივიდნენ;
- დ) მოსახლეობას აუწყებს საუბნო საარჩევნო კომისიის ადგილსამყოფელს და მისი მუშაობის დროს, აგრეთვე არჩევნების დღესა და ხმის მიცემის ადგილს;
- ე) უზრუნველყოფს ხმის მიცემისათვის შენობის მომზადებასა და საარჩევნო ყუთების დამზადებას;
- ვ) ორგანიზაციას უწევს საარჩევნო უბანში ხმის მიცემას არჩევნების დღეს;
- ზ) იხილავს განცხადებებსა და საჩივრებს საარჩევნო უბანში არჩევნების მომზადებისა და ხმის მიცემის ორგანიზაციის საკითხებზე და იღებს მათ გამო გადაწყვეტილებებს;
- თ) ითვლის საარჩევნო უბანში მიცემულ ხმებს დეპუტატობის თითოეულ კანდიდატის მიხედვით;

ი) ახორციელებს საოლქო საარჩევნო კომისიის უფლებამოსილებას იმ შემთხვევაში, როდესაც საოლქო საარჩევნო კომისია არ იქმნება;

კ) ახორციელებს სხვა უფლებამოსილებას ამ კანონის შესაბამისად.

მუხლი 31. საარჩევნო კომისიების მიერ უფლებამოსილების განხორციელების წესი.

საარჩევნო კომისიის სხდომებს იწვევს მისი თავმჯდომარე და ეს სხდომები უფლებამოსილია, თუ მათში მონაწილეობს კომისიის შემადგენლობის ნახევარზე მეტი. კომისიის გადაწყვეტილებები მიიღება ღია კენჭისყრით კომისიის საერთო შემადგენლობის ხმების უბრალო უმრავლესობით. კომისიის წევრებს, რომლებიც მის გადაწყვეტილებას არ ეთანხმებიან, უფლება აქვთ გამოთქვან განსაკუთრებული აზრი, რომელიც წერილობითი ფორმით ერთვის ოქმს.

საარჩევნო კომისიათა გადაწყვეტილებანი, მიღებული მათი უფლებამოსილების ფარგლებში, სავალდებულოა შესასრულებლად ყველა სახელმწიფო და საზოგადოებრივი ორგანოს, საწარმოს, დაწესებულებისა და ორგანიზაციისათვის.

საარჩევნო კომისიის გადაწყვეტილება შეიძლება გასაჩივრდეს შესაბამის ზემდგომ საარჩევნო კომისიაში.

მუხლი 32. საჯაროობა საარჩევნო კომისიათა მუშაობაში.

საარჩევნო კომისიები ინფორმაციას აწვდიან მოსახლეობას თავიანთი სხდომებისა და მიღებული გადაწყვეტილებების, მათ მიერ განხორციელებული ღონისძიებების შესახებ. კომისიათა სხდომებს შეიძლება დაესწრნენ საზოგადოებრივი ორგანიზაციებისა და შრომითი კოლექტივების წარმომადგენლები, აგრეთვე პრესის, ტელევიზიის, რადიოს წარმომადგენლები.

მუხლი 33. უფლებამოსილების განხორციელებაში საარჩევნო კომისიებისათვის ხელშეწყობა.

სახელმწიფო და საზოგადოებრივი ორგანოები, საწარმოები, დაწესებულებები, ორგანიზაციები, თანამდებობის პირები მოვალენი არიან ხელი შეუწყონ საარჩევნო კომისიებს მათი უფლებამოსილების განხორციელებაში, მიაწოდონ მუშაობისათვის საჭირო ცნობები და მასალები.

საარჩევნო კომისიას უფლება აქვს არჩევნების მომზადებასთან და ჩატარებასთან დაკავშირებულ საკითხებზე მიმართოს სახელმწიფო და საზოგადოებრივ ორგანოებს, საწარმოებს, დაწესებულებებს, ორგანიზაციებს, თანამდებობის პირებს, რომლებიც მოვალენი არიან განიხილონ აღძრული საკითხი და საარჩევნო კომისიას ვასცენ პასუხი არა უგვიანეს სამი დღისა.

პ ა რ ი VII

დეპუტატობის კანდიდატთა დასახელება

მუხლი 34. დეპუტატობის კანდიდატთა დასახელების წესი.

საქართველოს სსრ სახალხო დეპუტატთა ადგილობრივი საბჭოების დეპუტატობის კანდიდატებს ასახელებენ საარჩევნო ოლქების მიხედვით. დეპუტატობის კანდიდატთა დასახელება იწყება არჩევნების დანიშენიდან მეათეუთმეტე დღეს და მთავრდება არჩევნებამდე 25 დღით ადრე.

დეპუტატობის კანდიდატებს ასახელებენ საბჭოთა კავშირის კომუნისტური პარტიის, პროფესიული კავშირების, სრულიად საქავშირო ახალგაზრდათა ლენინური კომუნისტური კავშირის ორგანიზაციები, კოოპერაციული და სხვა საზოგადოებრივი ორგანიზაციები მათი რესპუბლიკური, საოლქო, რაიონული. საქალაქო, ქალაქის რაიონული ორგანოების სახით, შრომითი კოლექტივები, აგრეთვე ჯარის ნაწილებში სამხედრო მოსამსახურეთა კრებები.

სახალხო დეპუტატთა სადაბო და სასოფლო საბჭოების არჩევნებისას დეპუტატობის კანდიდატებს ასახელებენ აგრეთვე მოქალაქეთა საერთო კრებები, კოლმეურნეობების, საბჭოთა მეურნეობების საწარმოო ქვეგანყოფილების სოფლების და სოფლის სხვა დასახლებული პუნქტების მიხედვით.

შრომითი კოლექტივებისაგან დეპუტატობის კანდიდატთა დასახელება წარ-

მოებს მოქალაქეთა საერთო კრებებზე, რომლებსაც იწვევენ პროფესიული კავშირების საფაბრიკო, საქარხნო, ადგილობრივი კომიტეტები. დიდ შრომითს კოლექტივებში კრებები შეიძლება მოეწყოს საამქროების, უბნების, ცვლების, ბრიგადების, განყოფილებების მიხედვით.

დეპუტატობის კანდიდატთა დასასახელებლად სამხედრო მოსამსახურეთა კრებებს იწვევენ ჯარის ნაწილების მეთაურობა. თუ შეუძლებელია ნაწილის სამხედრო მოსამსახურეთა საერთო კრების მოწვევა, კრებები გაიმართება ქვედანაყოფების მიხედვით.

დეპუტატობის კანდიდატის დასასახელებლად მოწვეული კრების თითოეულ დამსწრეს უფლება ეძლევა მონაწილეობა მიიღოს კანდიდატურების განხილვაში, მხარი დაუჭიროს დასახელებულ კანდიდატურებს ან შეიტანოს წინადადებათი მათი აცილების შესახებ.

დეპუტატობის კანდიდატის დასახელების შესახებ გადაწყვეტილება მიიღება კრების მონაწილეთა ხმების უმრავლესობით ან საზოგადოებრივი ორგანიზაციის შესაბამისი ორგანოს საერთო შემადგენლობის ხმების უმრავლესობით და დაუყოვნებლივ ეცნობება კანდიდატად დასახელებულ პირს.

დეპუტატობის კანდიდატის დასახელების შესახებ დგება ოქმი, რომელშიც აღინიშნება: კანდიდატის დამსახელებელი ორგანიზაციის სახელწოდება; კრების ან სხდომის ჩატარების ადგილი და დრო; სხდომის თუ კრების მონაწილე პირთა რიცხვი; დასახელებული კანდიდატის სასარგებლოდ მოცემული ხმების რაოდენობა; კანდიდატის გვარი, სახელი, მამის სახელი, ასაკი, საქმიანობა, საცხოვრებელი ადგილი.

საზოგადოებრივი ორგანიზაციები, შრომითი კოლექტივები, რომლებმაც დეპუტატობის კანდიდატები დასახელებს, მოსახლეობას აწვდიან ცნობებს დასახელებულ დეპუტატობის კანდიდატთა შესახებ პრესის, ტელევიზიის, რადიოს, ინფორმაციის სხვა საშუალებათა მეშვეობით, აგრეთვე შეუძლიათ აირჩიონ დეპუტატობის კანდიდატთა ნდობით აღჭურვილი პირები.

მუხლი 35. დასახელებული დეპუტატობის კანდიდატებისათვის მხარდაჭერის უფლება.

საზოგადოებრივ ორგანიზაციებს, შრომითს კოლექტივებს, ჯარის ნაწილებში სამხედრო მოსამსახურეთა კრებებს შეუძლიათ მხარი დაუჭირონ სხვა საზოგადოებრივი ორგანიზაციების, შრომითი კოლექტივების ან ჯარის ნაწილებში სამხედრო მოსამსახურეთა კრებების მიერ დასახელებულ კანდიდატურებს, აგრეთვე აირჩიონ დეპუტატობის კანდიდატთა ნდობით აღჭურვილი პირები.

მუხლი 36. დეპუტატობის კანდიდატის დასახელების შესახებ გადაწყვეტილების გაუქმება. კანდიდატის მიერ თავისი კანდიდატურის მოხსნა.

დეპუტატობის კანდიდატის დამსახელებელ საზოგადოებრივ ორგანიზაციას, შრომითს კოლექტივს უფლება აქვთ არჩევნებამდე ნებისმიერ დროს გააუქმონ თავიანთი გადაწყვეტილება დეპუტატობის კანდიდატის დასახელების შესახებ.

ამ საკითხზე გადაწყვეტილება მიიღება დეპუტატობის კანდიდატის დასახელებით
სათვის გათვალისწინებული წესით და წარედგინება შესაბამის საოლქო საარ-
ჩევნო კომისიას.

დეპუტატობის კანდიდატს შეუძლია არჩევნებამდე ნებისმიერ დროს მოხს-
ნას თავისი კანდიდატურა. კანდიდატს განცხადება თავისი კანდიდატურის მოხს-
ნის შესახებ შეაქვს საოლქო საარჩევნო კომისიაში.

დეპუტატობის კანდიდატის დასახელების შესახებ გადაწყვეტილების გაუქ-
მებას ან კანდიდატის მიერ თავისი კანდიდატურის მოხსნას საოლქო საარჩევნო
კომისია აცნობებს საარჩევნო ოლქის მოსახლეობას.

მუხლი 37. დეპუტატობის კანდიდატთა რეგისტრაციის წესი.

ამ კანონის მოთხოვნათა შესაბამისად დასახელებულ დეპუტატობის კანდი-
დატებს რეგისტრაციაში ატარებს შესაბამისი საარჩევნო ოლქის საოლქო საარ-
ჩევნო კომისია.

დეპუტატობის კანდიდატთა რეგისტრაცია იწყება არჩევნებამდე 30 დღით
ადრე და მთავრდება 20 დღით ადრე.

დეპუტატობის კანდიდატთა რეგისტრაცია წარმოებს საოლქო საარჩევნო
კომისიის სხდომაზე, თუ არის შემდეგი დოკუმენტები: მოცემულ საარჩევნო
ოლქში დეპუტატობის კანდიდატის დასახელების შესახებ საზოგადოებრივი
ორგანიზაციის შესაბამისი ორგანოს სხდომის, შრომითი კოლექტივის კრების,
ან კოლმეურნეობის, საბჭოთა მეურნეობის საწარმოო ქვეგანყოფილების, სოფ-
ლის ან სოფლის სხვა დასახლებული პუნქტის მოქალაქეთა საერთო კრების
ოქმი; დეპუტატობის კანდიდატის განცხადება იმის შესახებ, რომ თანახმაა კენჭი
იყაროს ამ საარჩევნო ოლქში. საარჩევნო კომისია თითოეული დეპუტატობის
კანდიდატის რეგისტრაციის შესახებ, საქართველოს სსრ უმაღლესი საბჭოს პრე-
ზიდიუმის მიერ დადგენილი ფორმის მიხედვით, ადგენს ოქმს, რომელიც მო-
ცემულ საარჩევნო ოლქში კენჭისყრაზე დეპუტატობის კანდიდატის თანხმობის
განცხადებასთან ერთად წარედგინება შესაბამისად საოლქო, რაიონულ, საქალა-
ქო, ქალაქის რაიონულ, სადაბო, სასოფლო საარჩევნო კომისიას.

საოლქო საარჩევნო კომისია ვალდებულია რეგისტრაციაში გაატაროს
ყველა დეპუტატობის კანდიდატი, რომლებიც ამ კანონის მოთხოვნათა დაცვით
მოცემულ საარჩევნო ოლქში არიან დასახელებულნი. დეპუტატობის კანდიდა-
ტის რეგისტრაციაში გატარებაზე უარისთქმა შეიძლება ორი დღის ვადაში იქ-
ნეს გასაჩივრებული შესაბამისად საოლქო, რაიონულ, საქალაქო, ქალაქის რაი-
ონულ, სადაბო, სასოფლო საარჩევნო კომისიაში, რომლის გადაწყვეტილება
საბოლოოა.

მონაცემებს ავტონომიური ოლქის სახალხო დეპუტატთა საბჭოს, სახალხო
დეპუტატთა რაიონული, საქალაქო (რესპუბლიკური დაქვემდებარების ქალა-
ქის) საბჭოს დეპუტატობის რეგისტრირებული კანდიდატების შესახებ აქვეყნებს
შესაბამისი საოლქო საარჩევნო კომისია.

მონაცემებს სახალხო დეპუტატთა საქალაქო (რაიონული დაქვემდებარე-
ბის ქალაქის), ქალაქის რაიონული, სადაბო და სასოფლო საბჭოს დეპუტატო-

ბის რეგისტრირებული კანდიდატების შესახებ/აქვეყნებს შესაბამისი საქალაქო, ქალაქის რაიონული, სადაბო, სასოფლო საარჩევნო კომისია.

შეტყობინება დეპუტატობის კანდიდატების რეგისტრაციის თაობაზე რეგისტრირებული კანდიდატების შესახებ მონაცემების მითითებით ქვეყნდება არა უგვიანეს მეხუთე დღისა დეპუტატობის კანდიდატების რეგისტრაციის შემდეგ.

დეპუტატობის კანდიდატს შეიძლება კენჭი ეყაროს საქართველოს სსრ სახალხო დეპუტატთა ერთი და იმავე ადგილობრივი საბჭოს მხოლოდ ერთ საარჩევნო ოლქში.

დეპუტატობის კანდიდატი არ შეიძლება იყოს იმ საარჩევნო ოლქის საოლქო ან საუბნო საარჩევნო კომისიის წევრი, რომელშიც იგი კანდიდატადაა დასახელებული, ან წევრი საუბნო საარჩევნო კომისიისა, რომელიც აწყობს კენჭისყრას ამ საარჩევნო ოლქში. დეპუტატობის კანდიდატად დასახელებული პირი, რომელიც ერთ-ერთი აღნიშნული კომისიის წევრია, თავისუფლდება კომისიაში მოვალეობებისაგან მისი დეპუტატობის კანდიდატად რეგისტრაციის მომენტიდან.

მუხლი 38. გამოკლებული დეპუტატობის კანდიდატის ნაცვლად ახლის დასახელების წესი.

დეპუტატობის კანდიდატის რეგისტრაციის ვადის გასვლის შემდეგ დეპუტატობის კანდიდატის გამოკლების შემთხვევაში, თუ საარჩევნო ოლქში სხვა კანდიდატები არ დარჩა, საოლქო საარჩევნო კომისია შესაბამისი საოლქო, რაიონული, საქალაქო, ქალაქის რაიონული, სადაბო, სასოფლო საარჩევნო კომისიის ნებართვით საზოგადოებრივ ორგანიზაციებს, შრომით კოლექტივებს, ჯარის ნაწილებში სამხედრო მოსამსახურეთა კრებებს მიმართავს წინადადებით დასახელონ ახალი დეპუტატობის კანდიდატი.

თუ არჩევნებამდე დარჩენილ დროში შეუძლებელია ახალი დეპუტატობის კანდიდატის დასახელება, რეგისტრაციაში გატარება და განხილვა, შესაბამის საარჩევნო ოლქში არჩევნები ეწყობა საქართველოს სსრ სახალხო დეპუტატთა ადგილობრივი საბჭოების არჩევნების ჩატარებიდან ერთი თვის ვადაში.

მუხლი 39. საარჩევნო ბიულეტენი.

შესაბამისი საარჩევნო ოლქის საარჩევნო ბიულეტენის ტექსტს ამტკიცებს საოლქო საარჩევნო კომისია. ბიულეტენში ანბანის მიხედვით შეაქვთ საარჩევნო ოლქში რეგისტრირებული ყველა დეპუტატობის კანდიდატი, ამასთან აღინიშნება თითოეული მათგანის სახელი, მამის სახელი და გვარი, კანდიდატთა დამსახელებელი საზოგადოებრივი ორგანიზაციების, შრომითი კოლექტივების, ჯარის ნაწილებში სამხედრო მოსამსახურეთა კრებების, კოლმეურნეობების, საბჭოთა მეურნეობების საწარმოო ქვეგანყოფილებების, აგრეთვე სოფლებს და სოფლის სხვა დასახლებული პუნქტების მიხედვით მოქალაქეთა საერთო კრებების სახელწოდება.

საარჩევნო ბიულეტენები იბეჭდება იმ ენებზე, რომლებსაც საარჩევნო ოლქის მოსახლეობა ხმარობს. ბიულეტენებს საარჩევნო ოლქის ყველა საუბნო საარჩევნო კომისიას მიაწვდიან არა უგვიანეს ხუთი დღისა არჩევნებამდე.

მუხლი 40. ამომრჩეველთა კრებები დეპუტატობის კანდიდატებთან შესახვედრად.

დეპუტატობის კანდიდატებისა და მათი ამომრჩეველების შესახვედრად ეწყობა კრებები, რომლებსაც საზოგადოებრივი ორგანიზაციები იწვევენ. კრებები ეწყობა ამომრჩეველთა საცხოვრებელი ან სამუშაო ადგილის მიხედვით. კრებების მოწყობის დრო და ადგილი წინასწარ ეცნობება ამომრჩეველებს.

მუხლი 41. წინასაარჩევნო აგიტაცია.

საზოგადოებრივ ორგანიზაციებს, შრომითს კოლექტივებს, რომლებმაც დეპუტატობის კანდიდატები დაასახელეს ან მათს მხარდასაჭერად გამოვიდნენ, ეძლევათ თავიანთი კანდიდატების სასარგებლოდ შეუფერხებელი აგიტაციის უფლება.

საზოგადოებრივ ორგანიზაციებსა და შრომითს კოლექტივებს უფასოდ ეთმობათ შენობები კრებების მოსაწყობად, აგრეთვე მასობრივი ინფორმაციის საშუალებანი წინასაარჩევნო აგიტაციისათვის.

თითოეულ მოქალაქეს გარანტირებული აქვს წინასაარჩევნო აგიტაციაში მონაწილეობის უფლება.

აგიტაცია არჩევნების დღეს კენჭისყრის შენობაში არ დაიშვება.

პ ა რ ი VIII

დეპუტატობის კანდიდატის საჰმინანდოს ძირითადი გარანტიები

მუხლი 42. დეპუტატობის კანდიდატის კრებებზე გამოსვლის, მასობრივი ინფორმაციის საშუალებებით სარგებლობის უფლება.

საქართველოს სსრ სახალხო დეპუტატთა ადგილობრივი საბჭოების ყველა დეპუტატობის კანდიდატს საოლქო საარჩევნო კომისიების მიერ მათი რეგისტრაციის დროიდან აქვს თანასწორი უფლება მონაწილეობდნენ და გამოდიოდნენ წინასაარჩევნო კრებებზე, თათბირებზე, პრესაში, ტელევიზიით, რადიოთი.

სახელმწიფო და საზოგადოებრივი ორგანოები, საარჩევნო ოლქის ტერიტორიაზე მდებარე საწარმოების, დაწესებულებების და ორგანიზაციების ხელმძღვანელები მოვალენი არიან ხელი შეუწყონ დეპუტატობის კანდიდატს ამომრჩეველებთან შეხვედრების მოწყობაში, წინასაარჩევნო კრებების გამართვაში, საჭირო საცნობარო და საინფორმაციო მასალების მიღებაში.

მუხლი 43. დეპუტატობის კანდიდატის განთავისუფლება საწარმოო ან სამსახურებრივი მოვალეობისაგან წინასაარჩევნო ღონისძიებებში მონაწილეობისათვის.

სახალხო დეპუტატთა ადგილობრივი საბჭოს დეპუტატობის კანდიდატი ამომრჩეველებთან შეხვედრების მოწყობის, წინასაარჩევნო კრებებზე, ტელევიზიითა და რადიოთი გამოსვლის დროის განმავლობაში თავისუფლდება საწარმოო ან სამსახურებრივ მოვალეობათა შესრულებისაგან, ამასთან უნარჩუნდება საშუალო ხელფასი მუდმივ სამუშაო ადგილზე.

ხმის მიცემისა და არჩევნების შედეგების შეჯამების წესი

მუხლი 44. ხმის მიცემის დრო და ადგილი.

ხმის მიცემა ეწყობა არჩევნების დღეს დილის 6 საათიდან საღამოს 10 საათამდე ადგილობრივი დროით. ხმის მიცემის დროს და ადგილს საუბნო საარჩევნო კომისია ყველა ამომრჩეველს აუწყებს არა უგვიანეს 10 დღისა არჩევნებამდე.

არჩევნების დღეს ნაოსნობაში მყოფ გემებზე, ჯარის ნაწილებში შექმნილ საარჩევნო უბნებში, აგრეთვე შესაბამისად სახალხო დემუტატთა საოლქო, რაიონული, საქალაქო (რესპუბლიკური დაქვემდებარების ქალაქების) საბჭოების აღმასრულებელი კომიტეტების ნებართვით — მთის რაიონებში განლაგებულ საარჩევნო უბნებში, სადაც მიმოსვლის პირობების გამო არჩევნების დღეს ვერ ჩავლენ კენჭისყრის უფლების მოწმობის მქონე ამომრჩევლები, კენჭისყრა შეიძლება დამთავრდეს საღამოს 10 საათზე ადრეც, თუ ხმა მისცა სიებში შეტანილმა ყველა ამომრჩეველმა.

მუხლი 45. ხმის მიცემის მოწყობა.

ყოველ საარჩევნო უბანში ხმის მიცემა ტარდება სპეციალურად გამოყოფილ შენობაში, სადაც მოწყობილი უნდა იყოს კაბინები ან ოთახები ფარული კენჭისყრისათვის, განსაზღვრული უნდა იყოს საარჩევნო ბიულეტენების გაცემის ადგილი და დადგმული საარჩევნო ყუთები. ხმის მიცემის მოწყობისა და შენობაში წესრიგის უზრუნველყოფისათვის პასუხს აგებს საუბნო საარჩევნო კომისია.

ხმის მიცემის დაწყებამდე საარჩევნო ყუთებს ამოწმებს და პლომბავს ან ლუქავს საუბნო საარჩევნო კომისიის თავმჯდომარე კომისიის ყველა წევრის თანდასწრებით. ამას შეიძლება დაესწრნენ საზოგადოებრივი ორგანიზაციებისა და შრომითი კოლექტივების, პრესის, ტელევიზიისა და რადიოს წარმომადგენლები.

ყოველი ამომრჩეველი პირადად აძლევს ხმას. საუბნო საარჩევნო კომისია ამომრჩევლებს საარჩევნო ბიულეტენებს აძლევს ამომრჩეველთა სიის საფუძველზე პასპორტის ან პირადობის რაიმე სხვა მოწმობის წარდგენისას. საარჩევნო ბიულეტენების გაცემის შესახებ ამომრჩეველთა სიაში შეაქვთ აღნიშვნა.

საუბნო საარჩევნო კომისიას შეუძლია, როგორც გამოწაკლისი, ცალკეული ამომრჩევლებისათვის, რომლებიც ჯანმრთელობის მდგომარეობის ან მიმოსვლის პირობების გამო ვერ შეძლებენ პირადად მისვლას ხმის მიცემის შენობაში, მათი თხოვნით, დაავალოს კომისიის ერთ ან რამდენიმე წევრს მოაწყონ კენჭისყრა ამ ამომრჩეველთა ყოფნის ადგილას. დიდ რკინიგზის სადგურებში შექმნილი საარჩევნო უბნების საარჩევნო კომისიები უზრუნველყოფენ როგორც სადგურებში, ისე შორეული მიმოსვლის სამგზავრო მატარებლებში მყოფ ამომრჩეველთა მიერ ხმის მიცემას.

მუხლი 46. საარჩევნო ბიულეტენების შევსების წესი.

ამომრჩეველი საარჩევნო ბიულეტენს ავსებს ფარული კენჭისყრის კაბინაში

ან ოთახში, ბიულეტენის შევსებისას აკრძალულია ხმის მიმცემის გარდა ვისიმე ყოფნა. ამომრჩეველს, რომელსაც არა აქვს შესაძლებლობა დამოუკიდებლად შეავსოს ბიულეტენი, შეუძლია კაბინაში ან ოთახში მიიწვიოს სხვა პირი თავისი შეხედულებისამებრ, საარჩევნო კომისიის წევრის გარდა.

ამომრჩეველი ბიულეტენის შევსებისას მასში ტოვებს იმ კანდიდატის გვარს, ვისაც ხმას აძლევს, და შლის დანარჩენთა გვარებს. ამომრჩეველი ხმას აძლევს საარჩევნო ყუთში ბიულეტენის ჩაშვების გზით.

მუხლი 47. ხმების დათვლა საარჩევნო უბანში.

საარჩევნო უბანში ხმებს ითვლის საუბნო საარჩევნო კომისია სახალხო დეპუტატთი შესაბამისი საბჭოს არჩევნების ცალკეული საარჩევნო ოლქის მიხედვით.

საარჩევნო ყუთებს ხსნის საუბნო საარჩევნო კომისია მას შემდეგ, რაც კომისიის თავმჯდომარე გამოაცხადებს, რომ ხმის მიცემა დამთავრებულია. საარჩევნო ყუთების გახსნა ხმის მიცემის დამთავრებამდე აკრძალულია. საარჩევნო ყუთების გახსნამდე საუბნო საარჩევნო კომისიამ უნდა გააუქმოს ყველა ბიულეტენი, რომლებიც არ მიუციათ ამომრჩეველებისათვის.

საუბნო საარჩევნო კომისია ამომრჩეველთა ძირითადი და დამატებითი სიების მიხედვით ადგენს ამომრჩეველთა საერთო რიცხვს უბანში, აგრეთვე იმ ამომრჩეველთა რაოდენობას, რომლებმაც ბიულეტენები მიიღეს. საარჩევნო ყუთებში არსებული ბიულეტენების საფუძველზე საუბნო საარჩევნო კომისია თითოეულ საარჩევნო ოლქში (მოცემული საარჩევნო უბნის ფარგლებში), განსაზღვრავს ხმის მიცემის მონაწილე ამომრჩეველთა საერთო რიცხვს; თითოეული დეპუტატობის კანდიდატის „მხარდასაჭერად“ და „წინააღმდეგ“ მიცემული ხმების რაოდენობას; ბათილად ცნობილი ბიულეტენების რაოდენობას.

ბათილად ცნობენ დაუწესებელი ნიმუშის ბიულეტენებს, აგრეთვე ბიულეტენებს, რომლებშიც ერთზე მეტი კანდიდატია დატოვებული. საარჩევნო ბიულეტენის ნამდვილობაზე ეჭვის შეტანის შემთხვევაში საკითხს წყვეტს საუბნო საარჩევნო კომისია კენჭისყრის გზით.

ხმების დათვლაზე დასწრების უფლება აქვთ საზოგადოებრივი ორგანიზაციების, შრომითი კოლექტივების, აგრეთვე პრესის, ტელევიზიის, რადიოს წარმომადგენლებს.

მუხლი 48. საუბნო საარჩევნო კომისიის ოქმი.

ხმების დათვლის შედეგებს განიხილავენ საუბნო საარჩევნო კომისიის სხდომაზე და შეაქვთ ოქმში, რომელიც თითოეული საარჩევნო ოლქის მიხედვით ცალ-ცალკე დგება. ოქმს ხელს აწერენ კომისიის თავმჯდომარე, თავმჯდომარის მოადგილე, მდივანი და წევრები, და დაუყოვნებლივ უგზავნიან შესაბამის საოლქო საარჩევნო კომისიას, ოქმს თან ერთვის კომისიის წევრთა განსაკუთრებული აზრი, თუ ასეთი არის, კომისიაში შემოსული განცხადებები და საჩივრები კენჭისყრის ან ხმების დათვლის დროს დაშვებული დარღვევების შესახებ, აქტი, რომელიც დგება საარჩევნო ყუთზე პლომბის ან ლუქის დაზიანების შემთხვევაში.

მუხლი 49. ოლქში ჩატარებული არჩევნების შედეგების დადგენა.

საარჩევნო ოლქში არჩევნების შედეგებს ადგენს შესაბამისი საოლქო საარჩევნო კომისია.

საუბნო საარჩევნო კომისიების ოქმების საფუძველზე საოლქო საარჩევნო კომისია განსაზღვრავს: ოლქის ამომრჩეველთა საერთო რიცხვს; საარჩევნო ბიულეტენების მიმღებ ამომრჩეველთა რაოდენობას; ხმის მიცემის მონაწილე ამომრჩეველთა რიცხვს; თითოეული დეპუტატობის კანდიდატის „მხარდასაქვრად“ და „წინააღმდეგ“ მიცემული ხმების რაოდენობას; ბათილად ცნობილი ბიულეტენების რაოდენობას.

არჩეულად ითვლება დეპუტატობის კანდიდატი, რომელიც ოლქის ყველა ამომრჩეველის ხმების ნახევარზე მეტს მიიღებს.

საოლქო საარჩევნო კომისიას შეუძლია არჩევნები ბათილად ცნოს არჩევნების დროს ან ხმების დათვლისას დაშვებული ამ კანონის დარღვევების გამო.

საოლქო საარჩევნო კომისია არჩევნებს ჩატარებულად არ ჩათვლის, თუ შასში მონაწილეობდა ამომრჩეველთა სიებში შეტანილი ამომრჩეველების ნახევარზე ნაკლები, აგრეთვე დეპუტატობის კანდიდატის გარდაცვალებასთან დაკავშირებით, თუ ოლქში ერთი კანდიდატია რეგისტრირებული.

ხმების დათვლასა და არჩევნების შედეგების დადგენაზე დასწრების უფლება აქვთ საზოგადოებრივი ორგანიზაციების, შრომითი კოლექტივების, აგრეთვე პრესის, ტელევიზიის, რადიოს წარმომადგენლებს.

მუხლი 50. საოლქო საარჩევნო კომისიის ოქმი.

თითოეული საარჩევნო ოლქის მიხედვით არჩევნების შედეგებს ადგენენ შესაბამისი საოლქო საარჩევნო კომისიის სხდომებზე და შეაქვთ ოქმში. ოქმს ხელს აწერენ კომისიის თავმჯდომარე, თავმჯდომარის მოადგილე, მდივანი და კომისიის წევრები, და დაუყოვნებლივ უგზავნიან შესაბამის საოლქო, რაიონულ, საქალაქო, ქალაქის რაიონულ, სადაბო და სასოფლო საარჩევნო კომისიას. ოქმს თან ერთვის კომისიის წევრთა განსაკუთრებული აზრი, თუ ასეთი არის, განცხადებები და საჩივრები, რომლებიც კომისიაში შემოვიდა კენჭისყრის დროს, ხმების დათვლისას ან არჩევნების შედეგების დადგენისას დაშვებული დარღვევების გამო.

მუხლი 51. დეპუტატთა რეგისტრაცია. არჩევნების შედეგების გამოკვეყნება.

საოლქო, რაიონული, საქალაქო, ქალაქის რაიონული, სადაბო, სასოფლო საარჩევნო კომისია საოლქო საარჩევნო კომისიების ოქმების საფუძველზე აჯამებს სახალხო დეპუტატთა შესაბამისი საბჭოს არჩევნების შედეგებს და რეგისტრაციაში ატარებს თითოეულ საარჩევნო ოლქში არჩეულ დეპუტატებს.

საოლქო, რაიონულ, საქალაქო, ქალაქის რაიონულ, სადაბო და სასოფლო საარჩევნო კომისიას შეუძლია უარი თქვას დეპუტატის რეგისტრაციაზე და ბათილად ცნოს არჩევნები თუ არჩევნების დროს ან ხმის დათვლისას, ანდა არჩევნების შედეგების განსაზღვრისას იყო ამ კანონის დარღვევის შემთხვევები.

ცნობას სახალხო დეპუტატთა საოლქო, რაიონული, საქალაქო, ქალაქის რაიონული, სადაბო და სასოფლო საბჭოს არჩევნების შედეგების შესახებ და არ-

ჩეულ დეპუტატთა სიას შესაბამისი საოლქო, რაიონული, საქალაქო, ქალაქის რაიონული, სადაბო და სასოფლო საარჩევნო კომისია აქვეყნებს არჩევნების შემდეგ არა უგვიანეს მეხუთე დღისა.

პ ა რ ი X

ხელახალი არჩევნები. არჩევნები გამოკლებულ დეპუტატთა ნაცვლად. არჩევნები ახლად შემჩნილ ადმინისტრაციულ-ტერიტორიულ ერთეულებში

მუხლი 52. ხელახალი არჩევნები.

თუ დეპუტატობის კანდიდატთაგან, რომლებიც კენჭს იყრიდნენ საარჩევნო ოლქში, არც ერთი არ იქნა არჩეული, ანდა თუ საარჩევნო ოლქში არჩევნები ჩატარებულად არ ჩაითვალა ან ბათილად იქნა ცნობილი, შესაბამისი საოლქო, რაიონული, საქალაქო, ქალაქის რაიონული, სადაბო, სასოფლო საარჩევნო კომისია ავალებს საოლქო საარჩევნო კომისიას მოაწყოს საარჩევნო ოლქში ხელახალი არჩევნები, ხოლო საპირობების შემთხვევაში შეუძლია თვითონ გადაწყვიტოს ხელახალი არჩევნების ჩატარების საკითხი. ამასთან იგი სახალხო დეპუტატთა შესაბამისი საბჭოს აღმასრულებელ კომიტეტს მიმართავს წინადადებით დაამტკიცოს მოცემული საარჩევნო ოლქის საოლქო და საუბნო საარჩევნო კომისიების ახალი შემადგენლობა.

ხელახალი არჩევნები ეწყობა ერთი თვის ვადაში ამ კანონის მოთხოვნათა დაცვით. ხმის მიცემა წარმოებს იმავე საარჩევნო უბნებში და საქართველოს სსრ სახალხო დეპუტატთა ადგილობრივი საბჭოების არჩევნების ჩასატარებლად შედგენილი ამომრჩეველთა სიებით.

საარჩევნო კომისიების შემადგენლობის დამტკიცება, დეპუტატობის კანდიდატთა რეგისტრაცია და სხვა ღონისძიებანი ეწყობა ამ კანონის 53-ე მუხლით დაწესებულ ვადაში.

მუხლი 53. გამოკლებულ დეპუტატთა ნაცვლად ახალ დეპუტატთა არჩევნების მოწყობა.

იმ შემთხვევაში, როდესაც სახალხო დეპუტატთა საბჭო ცალკეული დეპუტატების უფლებამოსილებას ბათილად ცნობს, აგრეთვე სახალხო დეპუტატთა საბჭოს უფლებამოსილების ვადის მანძილზე დეპუტატის გამოკლების შემთხვევაში შესაბამისი საარჩევნო ოლქში ორი თვის ვადაში მოეწყობა ხელახალი არჩევნები. არჩევნებს ნიშნავს სახალხო დეპუტატთა შესაბამისი საბჭოს აღმასრულებელი კომიტეტი არა უგვიანეს ერთი თვისა მათ ჩატარებამდე და ეწყობა ამ კანონის შესაბამისად. ამასთან საოლქო საარჩევნო კომისია იქმნება მესამე დღეს, ხოლო საუბნო საარჩევნო კომისიები — მეხუთე დღეს არჩევნების დანიშვნის შემდეგ. დეპუტატობის კანდიდატების რეგისტრაცია მთავრდება არჩევნებამდე თხუთმეტი დღით ადრე.

გამოკლებული დეპუტატების ნაცვლად არჩევნების ჩატარებისას საოლქო, რაიონული, საქალაქო, ქალაქის რაიონული, სადაბო და სასოფლო საარჩევნო კომისიები არ იქმნება.

თუ საარჩევნო ოლქის ტერიტორია საარჩევნო უბნის ტერიტორიაზე ნაკლებია ან მისი თანაბარია, საუბნო საარჩევნო კომისია არ იქმნება. საარჩევნო ბიულეტენების მიღება, ოლქში დეპუტატობის კანდიდატებისათვის მიცემული ხმების დათვლა და არჩევნების შედეგების განსაზღვრა ეკისრება შესაბამის საოლქო საარჩევნო კომისიას, რომელიც ამ შემთხვევაში შეიძლება შეიქმნას აგრეთვე სახალხო დეპუტატთა სადაბო და სასოფლო საბჭოს არჩევნებისათვის. ამასთან საოლქო საარჩევნო კომისია იქმნება თავმჯდომარის, თავმჯდომარის მოადგილის, მდივნის და 2-4 წევრისაგან. კომისიის შემადგენლობას ამტკიცებს სახალხო დეპუტატთა შესაბამისი საბჭოს აღმასრულებელი კომიტეტი. ამომრჩეველთა სიები ამ შემთხვევებში დგება საარჩევნო ოლქის მიხედვით. ხმის მიცემა შეიძლება დამთავრდეს საღამოს 10 საათზე ადრეც, თუ ხმა მისცა ამომრჩეველთა სიებში შეტანილმა ყველა ამომრჩეველმა.

საუბნო საარჩევნო კომისიის თავმჯდომარე ან თავმჯდომარის მოადგილე, ან მდივანი, ხოლო ამ მუხლის მეორე ნაწილით გათვალისწინებულ შემთხვევებში საოლქო საარჩევნო კომისიის თავმჯდომარე ან თავმჯდომარის მოადგილე, ან მდივანი თავისუფლდებიან საწარმოო თუ სამსახურებრივი მოვალეობის შესრულებისაგან არჩევნების მომზადებისა და ჩატარების პერიოდში 20 კალენდარული დღით და უნარჩუნდებათ საშუალო ხელფასი მუდმივ სამუშაო ადგილზე.

თუ დეპუტატი გამოაკლდა იმ პერიოდში, როდესაც სახალხო დეპუტატთა საბჭოს უფლებამოსილების ვადის გასვლამდე ოთხ თვეზე ნაკლებია დარჩენილი, გამოკლებული დეპუტატის ნაცვლად ახალი დეპუტატის არჩევნები არ მოეწყობა.

მუხლი 54. არჩევნების ჩატარება ახლად შექმნილ ადმინისტრაციულ-ტერიტორიულ ერთეულებში.

ახლად შექმნილ ადმინისტრაციულ-ტერიტორიულ ერთეულებში სახალხო დეპუტატთა ადგილობრივი საბჭოების არჩევნები ეწყობა იმ შემთხვევებში, როდესაც სახალხო დეპუტატთა საბჭოს შექმნა შეუძლებელია იმის გამო, რომ ახლად შექმნილი რაიონის, ქალაქის, ქალაქის რაიონის, დაბის, სოფლსაბჭოს შემადგენლობაში შესული ტერიტორიის საბჭოში არჩეული დეპუტატები ან არ არიან, ან მათი რიცხვი საკმარისი არ არის.

სახალხო დეპუტატთა რაიონული, საქალაქო, ქალაქის რაიონული საბჭოების არჩევნებს ნიშნავს საქართველოს სსრ უმაღლესი საბჭოს პრეზიდიუმი,, ხოლო სახალხო დეპუტატთა სასოფლო და სადაბო საბჭოების არჩევნებს -- სახალხო დეპუტატთა ზემდგომი საბჭოს აღმასრულებელი კომიტეტი არაუგვიანეს ერთი თვის ვადისა ადმინისტრაციულ-ტერიტორიული ერთეულის შექმნის დღიდან და ჩატარდება ამ კანონის შესაბამისად.

საარჩევნო ოლქებს ქმნის და რაიონული, საქალაქო, ქალაქის რაიონული, სადაბო და სასოფლო საარჩევნო კომისიის, აგრეთვე საოლქო საარჩევნო კომისიების შემადგენლობას შესაბამისად ამტკიცებს საქართველოს სსრ უმაღლესი საბჭოს პრეზიდიუმი ან სახალხო დეპუტატთა საბჭოს აღმასრულებელი კომი-

ტეტი, რომელმაც არჩევნები დანიშნა. ხმის მიცემის მოწმობის გაცემა არ წარმოებს. ხმის მიცემა შეიძლება დამთავრდეს საღამოს 10 საათზე ადრეც, თუ ხმა მისცა ამომრჩეველთა სიებში შეტანილმა ყველა ამომრჩეველმა.

პ ა რ ი X I

დეპუტატად არჩევის მოწმობა. საარჩევნო დოკუმენტების ფორმები და მათი შენახვის წესი. საარჩევნო უბნის ნიშანი

მუხლი 55. დეპუტატად არჩევის მოწმობა.

შესაბამისი საარჩევნო კომისიის მიერ რეგისტრირებულ დეპუტატთა სიის გამოქვეყნების შემდეგ, ხოლო ხელახალი არჩევნებისა და გამოკლებული დეპუტატის ნაცვლად ახალი დეპუტატის არჩევნების დროს — საარჩევნო ოლქში გამართული არჩევნების შედეგების შესახებ ცნობის გამოქვეყნების შემდეგ საოლქო საარჩევნო კომისია აძლევს ოლქში არჩეულ დეპუტატს მოწმობას დეპუტატად არჩევის შესახებ.

სახალხო დეპუტატთა შესაბამისი საბჭოს მიერ დეპუტატის უფლებამოსილების ცნობის შემდეგ მას დეპუტატად არჩევის მოწმობას შეუცვლიან დეპუტატის მოწმობით.

მუხლი 56. საარჩევნო დოკუმენტების ფორმები, საარჩევნო უბნის ნიშანი.

ამომრჩეველთა სიის, ხმის მიცემის უფლების მოწმობის, საარჩევნო კომისიების ოქმების ფორმებს, საარჩევნო ბიულეტენების ფორმებს და ფერს, საარჩევნო უბნის ნიშანს, აგრეთვე მოწმობის ფორმებს, რომელსაც საოლქო საარჩევნო კომისიები აძლევენ დეპუტატს, აწესებს საქართველოს სსრ უმაღლესი საბჭოს პრეზიდიუმი.

მუხლი 57. საარჩევნო დოკუმენტების შენახვის წესი.

საქართველოს სსრ სახალხო დეპუტატთა ადგილობრივი საბჭოს არჩევნების საარჩევნო კომისიების საქმის წარმოებას საარჩევნო კომისიები თავიანთი მუშაობის დამთავრების შემდეგ გადასცემენ შესაბამისი კომისიების შემადგენლობის დამამტკიცებელ ორგანოებს.

საარჩევნო დოკუმენტების შენახვის წესს ადგენს საქართველოს სსრ უმაღლესი საბჭოს პრეზიდიუმი.

საქართველოს სსრ უმაღლესი საბჭოს
პრეზიდიუმის თავმჯდომარე **პ. გილაშვილი.**

საქართველოს სსრ უმაღლესი საბჭოს
პრეზიდიუმის მდივანი **თ. ლაშქარაშვილი.**

თბილისი,
1979 წლის 15 ივნისი.

შ ი ნ ა ა რ ს ი

კარი	I.	ზოგადი დებულებანი	3
კარი	II.	არჩევნების დანიშვნისა და საარჩევნო ოლქების შექმნის წესი	5
კარი	III.	საარჩევნო უბნები	6
კარი	IV.	ამომრჩეველთა სიები	8
კარი	V.	საარჩევნო კომისიათა შექმნა	9
კარი	VI.	საარჩევნო კომისიების უფლებამოსილება და მუშაობის წესი	12
კარი	VII.	დებუტატობის კანდიდატთა დასახელება	14
კარი	VIII.	დებუტატობის კანდიდატის საქმიანობის ძირითადი გარანტიები	18
კარი	IX.	ხმის მიცემისა და არჩევნების შედეგების შეჯამების წესი	19
კარი	X.	ხელახალი არჩევნები. არჩევნები გამოკლებულ დებუტატთა ნაცვლად. არჩევნები ახლად შექმნილ ადმინისტრაციულ-ტერიტორიულ ერთეულებში	22
კარი	XI.	დებუტატად არჩევის მოწმობა. საარჩევნო დოკუმენტების ფორმები და მათი შენახვის წესი. საარჩევნო ყუთის ნიმუში	24